

**Акафист Пресвятой Богородице в честь иконы, именуемой  
«Знамение-Корчемная»**

**Кондак 1**

Взбранной Воеводе победительная, Царице Небес и земли похвальная песнопения приносим Ти, Богородительнице. Ты же, яко имущая державу непобедимую, от всяких зол сохрани нас и град наш, да зовем Ти:

Радуйся, Благодатная, чудным знаменем милость Божию являющая.

**Икос 1**

Архангели и Ангели и все воинство Сил безплотных немолчно славословят и служат Ти, главы своя преклоняюще: мы же грешнии недоумеем, како восхвалити Тя по достоянию. Обаче дерзаяще, со упованием на благосердие Твое, приносим Ти похвалы сия:

Радуйся, Рождеством Твоим мир Горний с дольным возвеселившая;  
радуйся, Благословенная Отроковице, по степенем храма никимже держима возшедшая.

Радуйся, по обетованию родителей Твоих во храме Иерусалимстем воспитанная;

радуйся, в дому Божии молитве и богомыслию наученная.

Радуйся, пищу из рук Архангельских приимавшая;

радуйся, наставления свыше в сердце Своем благоговейно слагавшая.

Радуйся, яко житие Твое при храме прообраз жития иноческаго явися;

радуйся, яко род человеческий Тобою, аки сокровищем неветшающим обогатися.

Радуйся, Благодатная, чудным знаменем милость Божию являющая.

**Кондак 2**

Видевши Пресвятая Дева немощь вдовицы некия, пагубною страстию винопития одержимая, простре ей руку помощи. Та бо расточивши вся имения своя, отдаде благословенную икону «Знамения» в корчемницу в залог вина ради. В себе же пришедши, принесе икону в дом свой, обаче наутрие не найдет ю в дому своем, паки тече в корчемницу и тамо обрете икону, чудесно пренесенную, паде пред нею в покаянии, поюще Богу: Аллилуиа.

**Икос 2**

Разумеваючи чудесное пренесение иконы Твоея, Пречистая Дево, и невидимыма рукама в корчёмнице поставление, вдовица отягчена сущи студом и жалостию, нача прилежно молитися со слезами: «Владычице, не лишй мя Покрова Твоего и милости!» Сйце и мы хвалу Тебе, Богородительнице, приносим:

Радуйся, чудно тайне воплощения Сына Божия послужившая;  
радуйся, Богомладенца повившая и во яслех безсловесных овец положившая.

Радуйся, поклонение Сыну Твоему и Богу первая совершившая;  
радуйся, млеком питавшая Питателя алчущих.

Радуйся, стяжавшая благодать велию в нуждах и обстояниях помогати;

радуйся, ревность имущая призывающих Тя от грехов и страстей свободяти.

Радуйся, чудом исцеления единыя вдовицы укрепление веры многим подавшая;

радуйся, ратоборству со страстьми и похотьми благодатно научающая.

Радуйся, Благодатная, чудным знаменем милость Божию являющая.

### Кондак 3

Силою Твоея многомощныя молитвы, Богоневестная, обрати на путь покаяния и нас, удобопреклонных ко греху, паче жены той согрешающих ежечасне пред Сыном Твоим и Богом. Не тщимся воспрянути от сна греховнаго, и не разумеваем, како жизнь наша преходит, яко сень, но яви нам милосердие Твое, во еже с надеждею вопити о Тебе: Аллилуиа.

### Икос 3

Имущи милосердие неоскудеваемое, Ты, Благая Мати, простираеши руце Свои на умоление за всех скорбящих и недугующих, непрестанно молиши Сына Твоего Возлюбленного не точию простити нас, но и даровати нам обители во Царствии Славы, да прославим Тя, богатую в милости:

Радуйся, Вселюбезная Мати наша, любовию Своєю нас покрывающая;

радуйся, врата благодати Твоея нам отверзающая.

Радуйся, кладезю неисчерпаемый дивнаго милосердия к миру скорбному;

ра́дуйся, неоскудева́ющий исто́чнице по́мощи по изволе́нию Твоему́ благоутро́бному.

Ра́дуйся, мно́гими чудесы́ ико́ну Свою́ «Зна́мение» во укрепле́ние на́шей наде́жды на Тя просла́влившая;

ра́дуйся, жи́телей гра́да Рязáни и ины́х вéсей и градóв мило́стию Своёю не оставя́ющая.

Ра́дуйся, о по́чести вы́шняго зва́ния всех ревновáти призывáющая;  
ра́дуйся, обретáти Христа́ на пу́ти ева́нгельскаго добродéлания премúдро наста́вливающая.

Ра́дуйся, Благода́тная, чу́дным зна́мением мило́сть Бóжию явля́ющая.

#### Кондак 4

Недоуме́ет ум наш, ка́ко просла́вити чу́до мило́сти Твоея́ ко вдови́це, ю́же обратíла есí к пока́нию и дала́ есí ей непреста́нно па́мятовати о гресé своём. О, Ма́ти Милосе́рдная, помози́ и нам имéти па́мять о гресéх на́ших и николи́же забывáти о часé смéртнем, ка́ко предста́нем Сы́ну Твоему́, ка́ко отвещáем Судии́ Пра́веднейшему. Да обратíмся у́бо к пока́нию и предста́тельством Твои́м умо́лим Бóга, пою́ще пéснь: Аллилу́иа.

#### Икос 4

Слы́шавше о дивном пренесéнии ико́ны Богома́тери и о чудесéх, от нея́ бывáемых, вси лю́дие гра́да Рязáни нача́ша почитáти и поклоня́тися честнóму образу, «Зна́мение Корчёмная» егó имену́юще, и лёпту приноша́ху на соблюде́ние пред Ним лампа́ды неугаси́мая. Моли́, Пресвята́я Дéво, Превéчнаго Бóга, да не угáснет в сердца́х на́ших о́гнь любве́ Божéственныя, и приими́ похвалы́ сия́:

Ра́дуйся, я́ко во утробе́ Твоей́ плоть Спаси́теля ми́ра истка́ся;

ра́дуйся, я́ко благода́тию Егó чрез Тебе́ весь мир обогати́ся.

Ра́дуйся, любве́ духо́вныя приснотеку́щая реко́;

ра́дуйся, добродéтелей непости́жная глубино́.

Ра́дуйся, безнаде́жных и отча́янных безмяте́жное пристáнище;

ра́дуйся, и́щущих вспомо́жения любоблагоутро́бное приятели́ще.

Ра́дуйся, рязáнским жи́телем по́мощь и вразумле́ние чрез ико́ну Твою́ явившая;

ра́дуйся, ко укрепле́нию вéры и исправле́нию жити́я нас побужда́ющая.

Ра́дуйся, Благода́тная, чу́дным зна́мением мило́сть Бóжию явля́ющая.

#### Кондак 5

Богоразумия глас от иконы Твоея обратил есть на путь правый человека некоего, ему же прилучися быти в Рязани. Повнегда пречистому образу «Знамения» поклонение той сотвори, явися ему в соннем видении образ сей, и краткий глас Твой, Богородице, вещаше от него: «Се аз приидох к тебе, понеже посетил мя еси и обратился еси от скверны», и обеща вспоможение в устройении его попечений. О, Царице многомилостивая, даждь и нам не познати за безчестие наше гнева Твоего, но услышати всепрощающий глас Твой, Богу же воспети: Аллилуиа.

### Икос 5

Узрев сие дивное знамение, человек сей, воспрянув от дремания, абие тече ко пресвитеру церкви преподобнаго Симеона Столпника и моляше его, да сотворит благодарственное пение в храме, идеже бысть ему явление Твое, Мати Божия, и многажды повергаяся ниц, побуждаше всех пети: «О, Всепетая Мати». Мы же не единожды токмо, но многажды получающе помощь Твою, благодаряще хвалу приносим:

Радуйся, в словесех Божиих день и ночь поучатися нам пример подавшая;

радуйся, Архангельское благовестие во смирении глубоче приявшая.

Радуйся, обетованием Святаго Духа купно со апостолами обрадованная;

радуйся, сошествием Духа Святаго свыше в день Пятидесятницы всещедро облагодатствованная.

Радуйся, во мраке духовнем блуждавшего от пути погубительнаго отвращающая;

радуйся, алкавшего праведнаго жития на путь покаяния чрез икону Твою скоро настаивающая.

Радуйся, вся претрудности того устранившая и от внезапных погубели избавляющая;

радуйся, вселюбивая Мати наша, покровом молитв Твоих всех нас от навет вражиих покрывающая.

Радуйся, Благодатная, чудным знамением милость Божию являющая.

### Кондак 6

Проповедует вся вселенная чудныя милости, от икон Твоих чудотворных являемая, воспоминаем и мы, како дивно спасла еси град Рязань от губительных язв, егда людие, страхом внезапных

смёрти одержимии, притекоша с вѣрою и надеждею ко иконѣ Твоей, с пѣнием обносяще ю окрест домовъ своихъ. И не посрамися вѣра ихъ в милосѣрдный Покрѳв Твой, ибо ни единому бысть умрѣти от болѣзни сей из домовъ техъ, и в радости сѣрдца воспѣша людіе Бѳгу Спасителю: Аллилуиа.

### Икос 6

Воссия благодать от цельбоносныя иконы Твоея «Знаменіе Корчѣмныя», пред неюже и мы преклоняем колѣна наша и со слезами благодаримъ, яко избавила еси толикия люди Твоя от скоростѣжныя смёрти. Избави и нас, Пречудная Владычице, от смёрти без покаяннн и умоли Спасителя, да в час кончины нашей не лишит нас Пречистыхъ Таин Своихъ. Ей, Мати Божия, услыши нас, да с вѣрою и любовью во упованнн зовѣм Ти:

Радуйся, Кореню дѣвства и Цвѣте чистоты;  
радуйся, преизящныхъ добродѣтелей Зерцало.

Радуйся, всехъ прибегающихъ к Тебѣ с теплой молитвою услышаннн;  
радуйся, от бедъ и скорбей, обуревающихъ насъ, скорое избавленнн.

Радуйся, иноковъ ко спасеннн незрима я руководительнице;  
радуйся, боголюбцевъ, среди мнра живущихъ, наставнице.

Радуйся, среди мора дома вѣрныхъ Своею иконою посетившая и от неминуема смёрти избавившая;

радуйся, в вѣре глубоцей и смирѣннн уповавшихъ на Тя без вспоможеннн не оставившая.

Радуйся, Благодатная, чуднымъ знаменнн милость Божию являющая.

### Кондак 7

Восхотѣла еси явити дивное милосѣрднн от иконы Твоея, Ты, о Всемилостивая, егда велий бысть зной, земля изсше, быліе зажжѣся и возгорѣся огонь велий в бору близ града Рязани. Темже, о Заступнице, по молитве пред иконою Твоею «Знаменнн», чудесно угасила еси огонь сей и зѣмлю одождила еси преизобильно. Мы же, прославляюще Бѳга, дивную песнь воспѣваемъ Емѳ: Аллилуиа.

### Икос 7

Дивно угасила еси, о Богомати, пламень горящъ близ града Рязани. Малую бо тучу от ѳблаковъ воздушныхъ Ты скоро отделила еси, и воды ея на огонь ярящнн обильно одождила еси. Тем же и мы, о Пресвятая Дѣво, молимъ Тя: угаси пламень страстей нашихъ, помози намъ стяжати блаженное безстрастнн, занѣ создани есмѳ по ѳбразу Божию, но в

забвѣнии и безрассудстве предаѣмся страстѣмъ нашимъ. Сего ради со умиленіемъ Тебѣ вопіѣмъ:

Радуйся, одесную Сына Своего и Бога стоящая;  
радуйся, о кающихся грѣшницахъ молитвы къ Богу усердно возносящая.

Радуйся, умовъ нашихъ отъ помышленийъ суетныхъ очищеніе;  
радуйся, отчаянныхъ и безнадѣжныхъ человекъ къ тихой и безмятежной жизни приобщеніе.

Радуйся, скорое и многомощное вспоможеніе усердно Ти зывавшимъ;

радуйся, веру нашу въ Твой благодатный Покровъ симъ чудомъ укрепляющая.

Радуйся, молитвенныхъ воздыханій скорая услышательнице;

радуйся, в исполненіи добрыхъ намѣреній присная помощнице.

Радуйся, Благодатная, чуднымъ знаменіемъ милость Божию являющая.

#### Кондак 8

Странно бысть чудо, егда человекъ некий, одержимый лютымъ недугомъ, имущъ нозе свои видомъ багряны и zelo уязвлены, отъ врачейъ никія пользы приемый, пришедъ ко иконѣ Твоей, умоли скорую Помощницу в скорбѣхъ, и получивъ совершенное исцеленіе, падѣ ницъ благодаря Тя. Уврачуи, Целительнице Благая, и наша душевныя и телесныя язвы, еже воспѣти намъ немолчную песнь Богу: Аллилуиа.

#### Икос 8

Вся возможна Тебѣ суть, Пречистая, яко мужа онаго, одержимаго лютою болѣзнию ногъ, исцелила еси и многая иная чудеса вспоможенія призывающимъ Тя с верою и смирениемъ сотворила еси. Тако и насъ покрый покровомъ милости Твоея, умоли о насъ Сына Твоего, да продлено будетъ время жизни нашея на покаяніе, да остающіяся дни до кончины нашея проживѣмъ в чистотѣ, целомудрии и твореніи делъ милосердія, яко да услышимъ сладкій гласъ Его, призывающій благословенныя наследовати Царствіе Божіе. Тебѣ же, о Всепетая Мати, со умиленіемъ зовѣмъ:

Радуйся, хладныя души къ познанію Истины путыми неисследимыми приводящая;

радуйся, к исполненію заповѣдей Божіихъ насъ воодушевляющая.

Радуйся, величіемъ Небесныя славы отъ Святыя Троицы увенчанная;

радуйся, Пресвятая Богородице, искусомужная Дѣво и Мати благосердная.

Ра́дуйся, челове́ка не́когого от боле́зни ног, па́че же и душе́вных язв  
изба́вляющая;

ра́дуйся, и на́шим ду́шам, иму́щим быстродви́жное поползнове́ние  
ко греху́, в ратобо́рстве с ним вспомога́ющая.

Ра́дуйся, ро́да людска́го прекра́сный вѣнче и назда́ние;

ра́дуйся, неизья́сных добро́т Правосла́вия Киво́те.

Ра́дуйся, Благода́тная, чу́дным зна́мением ми́лость Бо́жию  
явля́ющая.

### Кондак 9

Все упова́ние на́ше возло́жше на Тя, Преблагослове́нная  
Богоро́дице, мо́лим Тя: прости́ пречи́стей ру́це Свои́ к Сы́ну Твоему́  
и Бо́гу на́шему, бу́ди споручни́ца нам грѣшным, окажи́ ми́лость нам  
зде на землі́ живу́щим и введи́ нас в страну́ Го́рнюю, иде́же несть  
печа́ль, ни воздыха́ние, но А́нгельстии́ ли́цы непреста́нно пою́т  
боже́ственную песнь: Аллилу́иа.

### Икос 9

Ветии́ многоглаго́ливии умолка́ют и Си́лы Го́рния прекланя́ют  
главы́ своя́ пред сла́вою Твоею́, я́ко Ты еси́ Цари́ца Небесе́ и землі́, и  
во сла́ве небесе́ней пребыва́еши, и земна́я не оставля́еши. Се бо и жену́  
некую́, от лю́тыя боле́зни ног страда́вшую и скорбь о умерше́й дщери́  
имѣвшую посети́ла еси́. Женá бо та повеле́ нести́ себе́ в часо́вню к  
пречу́дней ико́не Твое́й «Зна́мение Корчѣмная», и по слѣзней моли́тве  
в ско́ром вре́мени получи́ соверше́нное здра́вие телѣсное и поко́й  
душе́вный, и просла́ви Тя, ми́лостивую целите́льницу. Сего́ ра́ди и мы  
похваля́ем Тя си́це:

Ра́дуйся, Сла́ву Бо́жию в Го́рнем Иерусали́ме непреста́нно зря́щая;  
ра́дуйся, в окру́жении́ ли́ков небесе́ных Престо́лу Бо́жию  
предстоя́щая.

Ра́дуйся, вмести́лище Ду́ха Свята́го преизрядное;

ра́дуйся, и́щущим отдохнове́ния от трево́лнений приста́нище  
отра́дное.

Ра́дуйся, женѣ, одержи́мей ско́рбию душе́вною и ног  
расслабле́нием, исцеле́ние ско́ро пода́вшая;

ра́дуйся, всем обременѣ́нным душе́вными и телѣсными скорбьми́  
присно сострада́ющая.

Ра́дуйся, Преми́лосѣрдная Ма́ти, волю́ на́шу расслабленную  
укрепля́ющая;

ра́дуйся, во уны́нии мня́щих себе́ оста́влены бы́ти Бо́гом и  
блѣжними, утеша́ющая.

Ра́дуйся, Благода́тная, чу́дным зна́мением ми́лость Бо́жию явля́ющая.

### Кондак 10

Спасе́нию всех челове́к посóбствуя и о том ве́лие попече́ние име́я, боголю́бивейший святи́тель Гаври́ил Ряза́нский повеле́ изнести́ из корче́мницы с че́стною ико́ну Твою́, о Богома́ти, и во благоукраше́нную часóвню ка́менную при хра́ме преподо́бнаго Симео́на Сто́лпника поста́вити на поклоне́ние, да прославля́ют Тя вси, о Пречу́дная Цари́це, и пою́т Сы́ну Твоему́ и Бо́гу: Аллилу́иа.

### Икос 10

Стене́ крѣпкой и огражде́нию неразори́му уподо́билася е́сть ико́на Твоя́ «Зна́мение», Пречи́стая, ю́же боголю́бвии лю́дие преноша́ху из часóвни во храм в понеде́льник седми́цы Све́тлыя, да воспо́ется пред ико́ною Твое́ю привѣтствие А́нгельское: «Чи́стая Де́во, Ра́дуйся! Тво́й Сын воскресе́ тридне́вен от грóба!» И сим у́бо нача́ло полага́шеся моле́бному пе́нию в до́мех прихожа́н. Те́мже и мы, воспомина́юще си́е, ра́достно сла́вим Тя:

Ра́дуйся, попече́нием и моли́твами Твои́ми Це́рковь земну́ю умно́жившая;

ра́дуйся, взыску́ющим сове́сть незазо́рную имѣти путь ко спасе́нию благоуве́тливо устро́ившая.

Ра́дуйся, десни́цею Сво́ею от искуше́ний изнемога́ющих избавля́ющая;

ра́дуйся, во смире́нии живу́щим двѣри ра́йския отверза́ющая.

Ра́дуйся, святи́теля о пользе́ пренесе́ния ико́ны Твое́я в часóвню наста́влившая;

ра́дуйся, чудесе́ Твои́ми сонм люде́й, по духо́вней ле́стнице восходя́щих, умно́жившая.

Ра́дуйся, я́ко возсия́ о́браз Твой подо́бно свети́льнику, на вы́соце́ свѣщнице́ стоя́щему;

ра́дуйся, я́ко прославлѣ́ние Воскресе́ния Христо́ва с сугу́бым ра́дованием о Тебе́ соедини́ся.

Ра́дуйся, Благода́тная, чу́дным зна́мением ми́лость Бо́жию явля́ющая.

### Кондак 11

Пе́ние и служѣ́ние Бо́гу, правосла́вно приноси́мое де́лы и словесе́й, покуси́ся искорени́ти дре́вний враг спасе́ния на́шего, зело́ ополчи́вся во Оте́честве́ на́шем на ве́ру христиа́нскую. Ты же, к Бо́гу Путево́дительнице́, яви́ла еси́ чу́до но́вое от ико́ны Твое́я «Зна́мение



Корчёмная», да укорениши в людех сугубое на Тя упование. Егда пред образом Твоим молебн в доме людей верующих совершися, по окроплении водою отроковица некая от слепоты внезапно исцелё. Сего ради и мы, якоже некогда она, прославляюще Тя, воспеваем песнь Бóгови: Аллилу́ия.

### Икос 11

Светозарная свещá, икона Твоя «Зна́мение Корчёмная», явися христиáном, от богоборцев стужаемым, юже Ты, о Богомати, восхотела еси вдати на сохранение юноше некоему. Егда оный верою и благоговением оскуде и по наущению властей безбожных со други прииде в Симео́новский храм церковное достояние изымати, тогда узре на иконе Пречистый Лик Твой, и тотчас в себе самом пременися к добру и образ Твой спасе от осквернения и погибели. Сего ради даже доньне и мы, чтущии Тя, о Богомати, во умилении сердец наших благодарственно пред образом сим поём:

Ра́дуйся, тайне крестоношения от Сына Своего наученная;

ра́дуйся, на Голгофе Господу Своему сострадавшая.

Ра́дуйся, Благодатная, яко воскресе Сын Твой, и нас совоскресит с Собою;

ра́дуйся, Препрославленная, яко вси смиреннии неразлучны будут с Тобою.

Ра́дуйся, слепоты телесных исцеление;

ра́дуйся, очесем душевным прозрение.

Ра́дуйся, в новое свидетельство отроковице прозрение от слепоты даровавшая;

ра́дуйся, юношу, в вере оскудевшего, во орудие спасения чудотворная Твоя иконы премудро избравшая.

Ра́дуйся, Благодатная, чудным знаменем милость Божию являющая.

### Кондак 12

Благодать чрез икону Твою «Зна́мение Корчёмная» на роды христиáн изливати промысляючи, о Богомати, внушила еси в годину безбожия новому хранителю образа Твоего архимандриту Авелю поновити его. Он же возымев горячее о том попечение, послá прошение изографу некоему, денми ветхому, благочестием же крепкому. Егда же весть о слепоте его прият, усердно моляше Тя, Богородице, устроить дело сие, якоже Ти благоугодно будет. Ты же, о Всеблагая, исцеление от слепоты изографу даровавши, помогла еси

емú образ Твой поновíti и спíсок с него́ сотворíti, да мно́зии лю́дие просла́вят Тя о сем чудесé и воспою́т Сы́ну Твоему́ и Бо́гу: Аллилу́иа.

### Икос 12

Пою́ще Твоя́ мýлости и чудеса́, да́же доны́не явля́емая вёрным рабо́м Твои́м, поклоня́емся предивно́му образу́ Твоему́, явлённому во гра́де Рязáни, и мо́лим Тя со слезáми: научи́ нас, что сотворим, да уго́дны б́удем Бо́гу и Тебе́, о Всемýлостивая Мáти. Мы же, не имúщи не то́кмо дел, но и словéс благих, что возда́дим Тебе́ за вся благодея́ния Твоя́? Обáче надéющаяся на мýлость Твою́, сла́вим Тя со умилéнием:

Ра́дуйся, Небесé и земл́и примирéнию чýдно послужившая;

ра́дуйся, Избáвителя мýра, Спаси́теля нáшего плóтию породившая.

Ра́дуйся, всесвётлая звездó, сия́нием души Твоея́ мир скóрбный озаря́ющая;

ра́дуйся, Цар́ице Небесé и земл́и, в безконéчныя вéки царствую́щая.

Ра́дуйся, рабо́в Бóжих среди́ мра́ка и страда́ний укрепля́ющая и возвеселя́ющая;

ра́дуйся, попече́ние о поновлéнии о́браза Твоего́ премýдро явившая.

Ра́дуйся, серде́чную моли́тву пла́менныя вéры ста́рца Áвеля при́явшая;

ра́дуйся, неудобь исполнимо́е де́ло во спасéние мно́гих чудéсно устроившая.

Ра́дуйся, Благода́тная, чýдным зна́мением мýлость Бóжию явля́ющая.

### Кондак 13

О, Пресвята́я Влады́чице, Де́во Богороди́це, Мáти Го́спода и Бо́га нáшего Иису́са Христа́! К Тебе́ припада́ем и мо́лим Тя: услы́ши нас и яви́ нам мýлости Твоея́ зна́мение, избáви ны, рабы́ Твоя́, от недýгов душе́вных и телéсных в жи́зни сей, а в вéце б́удущем сотвори́ наследники́ бы́ти Цáрствия Небéснаго, да просла́вим безме́рное милосéрдие Твоé к нам, недостóйным, и воспоём Бо́гу Херувимскую песнь: Аллилу́иа.

### Молитва

О, Пресвята́я Влады́чице нáша Богороди́це, Богоизбра́нная Отрокови́це и Цар́я Небéснаго Мáти! Ненаде́жных наде́яние, больны́х исцелéние, си́рым предста́тельнице, скорбя́щим ра́дость и утешéние,

обидимым покровительнице и всем, в бедах и напастех сущим, скорое поможение и заступление!

Помози, о Мати Божия, и нам, грешным, в скорби нашей, возвесели сердца людей Твоих радостью, управи жизнь нашу в мире и тишине и избави нас от всякия печали и отчаяния.

О, Всеблагая Мати, Ты бо Единая Предстательница наша ко Господу па́че всех святых и всех Горних умов!

Темже и мы, грешнии, на пречистый образ Твой «Знамения Корчемныя» взирающе, умиленно преклоняем колена сердец наших и, благоговейно лобызающе его, молим Тя: не отрини смиренного моления нашего и яви нам милости Твоея знамение, ибо никтоже, со упованием к Тебе прибегая, исходит от Тебе посрамлен и, приемля дар благодати к полезному прошению, прославляет Сына Твоего и Бога, и Тя с Ним, о, Мати Божия, всегда, ныне и присно и во веки веков. Аминь.